

Bon Nochi Drumí Dushi

Di prome periodo di bishita na cas pa 2013


ORANJESTAD -- Directiva di Fundacion Bon Nochi Drumí Dushi ta den pleno preparacion pa e di prome ciclo di bishita na cas pa aña 2013. Boluntarionan ta en espera di e tayer cu ta alaves nan preparacion pa e bishitanan na cas di e muchanan cu a inscribi pa e prome periodo. FBNDD tin gran aprecio pa e trabou cu e boluntarionan ta haci y ta sostene nan cu guia profesional pa medio di tayernan cu ta engrandece

nan conocimiento di buki y lesamento mas ainda.

MOMENTO DI CALIDAD
E entusiasmo y interes cu cua e famianan ta ricibi e boluntarionan durante nan bishita na cas ta demostra e importancia y necesidad di e bishitanan aki. Mayornan ta acepta e tipnan cu man habri y ta haci hopi pregunta, principalmente riba e miho forma pa hinca un momento di calidad cu nan yiu den nan schedule druk di tur dia.

BENEFICIONAN

Despues di combersacion, splicacion y demostracion di parti di nos lesadonan, mayornan ta realisa cu e miho momento y forma pa haci esaki ta door di lesa pa y cu nan yiu prome cu e bay drumí. Fuera di e momento di calidad entre mayor y yiu, lesamento tin hopi mas beneficio pa desaroyo di e mucha. Durante e bishita na cas e boluntario ta amplia riba tur e beneficinan aki.



Lesamento tin hopi mas beneficio pa desaroyo di e mucha.



Mayor hincando un momento di calidad cu nan yiu.

FBNDD ta prepara su boluntarionan debidamente durante un tayer prome cu cada ciclo di bishita cuminsa, pa sigura tambe e calidad di informacion cu ta duna mayor. E siguiente tayer di preparacion lo ta dia 16 di mei 2013 y lo tuma luga na nos edificio den Julianastraat. Tin espacio ainda pa famianan inscribi pa e siguiente periodo. Por haci esaki via nos formularionan di inscripcion, riba Face Book y por manda nos un mail na bonnochidrumidushi@gmail.com

INSCRIPCION

FBNDD ta invita mayornan tambe pa pasa inscribi of bus-

ca formulario di inscripcion na nan oficina den Julianastraat (edificio di CEDEHM) durante oranan di oficina. E datonan necesario pa completa e inscripcion ta: nomber, edad y sexo di e mucha(nan), adres unda ta desea pa bay lesa (bario), number di telefon/celular di mayor, e-mail di mayor, si e mucha tin un gusto specifico pa loke ta tema of buki, si tin algo special di e mucha cu mayor ta haya importante pa comparti. Mayor, comparti e placer di lesamento cu Bo yiu, FBNDD ta duna bo e hermentnan necesario, djis inscribi. □